

مَتَّيَّاسُ ۱۲ انتخاب به جای یهودائی اسخریوطی

۱۲ او وخت رسولان جِه کوهی کی اون ایسم «زیتون» بو و اگر دستیدی اورشلیم شهر. او کوه ویشتر جِه یک کیلومتر، اورشلیم جا فاصله ناشتی. ۱۳ وختی فرسه‌یدی شهر، بوشوید هو بالاخانہیی کی شاگردان اقامتگاه بو. پطرس و یوحنا، یعقوب و آندریاس، فیلیپس و توما، برتولما و متی؛ یعقوب کی حلفی زای بو، شمعون کی معروف به «غیور» بو، و یهودا، یعقوب زای هم اویہ ایسه‌بید. ۱۴ اوشان، عیسی مار، مریم امرأ و بقیہی زناکان و عیسی براران امرأ یکدل توما وخت دعا کودیدی.

۱۵ ایتا جِه او روزان، پطرس توما ایمانداران میان کی حدود صد و بیست نفر بید، به پا بیسه ۱۶,۲۰ و بوگفته: «ای براران و خاخوران، کیتاب مزامیر نیویشته‌یان و ا به حقیقت برسه کی روح القدس پیشتران داوود نبی زبانی امرأ در مورد یهودا پیشگویی بوکوده‌بو:

(بہ کی اون خانہ فوگورده، ہیچکس اوہ ساکن نہ* .)

و هَطویم بینویشته بوبوسته:

«(بہ کی اون خدمت بہ خودا، بہ اینفر دیگر دس بیسپردہ بہ* .)

هَطو کی دانیدی، یهودا عیسای خیانت بوکودہ و با نشان دئن عیسی جاجیگاہ باعث اون دسگیری بوبوستہ. ۱۷ یهودا قبل انکی عیسای خیانت بوکونہ، ایتا جہ امان بو و اون عیسی انتخاب بوکودہ بو تا امی مانستن خودای خدمت بوکونہ.»

۱۸ یهودا خو خیانت وستی پولی کی فیگیفته بو، هو پول امرأ ایتا باغ بیہہ کی هو باغ میان دمر بکفته زیمین سر، اون شکم بترکستہ و اون رودہ فووستہ بیرون. ۱۹ تومام مردومی کی اورشلیم میان زندگی کودیدی واخبر بوستیدی و خوشان زبان امرأ او محلہی «حقل دما»، یعنی زیمین خون، نام بنہیدی.

* ۲۰:۱ مزمور ۶۹، آہ ۲۵

* ۲۰:۱ مزمور ۱۰۹، آہ ۸

۲۱ پطرس ادامه بده و بوگفته: «هسه وا جَه شاگردانی کی تومامی ی سفران میان، خوداوند عیسی مسیح و امی امرأ بید، ۲۲ یعنی جَه او وختی کی یحیی، عیسی مسیح تعمید بده تا روزی کی عیسی جَه امی ورجه آسمان جور ببرده بوبوسته، اینفر انتخاب بوکونیم تا امی امرأ عیسی مسیح مردن و زنده بوستن شهادت بده.»

۲۳ هن وستی دو نفر پیشنهاد بوکودیدی کی ایتا، یوسف مشهور به «برسابا» بو، ولی اون «یوستوس» دوخوآدیدی و اینفر دیگه یم کی اون نام «متیاس» بو.

۲۴ پس اَطو دعا بوکودیدی: «خوداوندا، تو همه کس قلب جا خبر داری. تو خودت، امر نیشان بدن کی ا دو نفر جا کویتای انتخاب بوکودی ۲۵ تا تی خادم و تی رسول بیه، خدمتی کی یهودای اسخریوطی اون جا رو واگردانه و بوشو او جایی کی لایقش بو.»

۲۶ بزین قرعه تودیدی و متیاس ایسم بیرون بمو. اَطویی اونم او یازدهتا رسول امرأ خدمت کون وستی همراه بوبوسته.